

正六位上行少錄大江朝臣俊任

〔中右記〕寬治三年十一月一日可有日蝕之由道言能筭共勘申而雖天晴無其蝕但廢朝不警蹕垂御簾又曉更供忌火御飯是依恐日蝕也

寬治八年元○嘉保三月一日壬申早旦出河原謝北辰其後馳參內是午時依可有日蝕也右大將新大

納言治部卿頭辨以下殿上人濟々參集主上御夜大殿朝干飯方下格子依殿下仰下晝御座御簾兼不下藏人之失歟午刻推遷漸及申二點初蝕十一分者烏輪已虧清光頗欠及酉三點漸復本體太陽所殘如初三月抑司天臺所奏已如指掌是雖末代曆數顯然也但至刻限頗有相違今日止警蹕音奏等

嘉保二年二月一日今日可有日蝕之由曆道奏聞仍兩殿下令參籠御物忌給殿上人職事十人之外又以濟々參籠而從夜前天陰雨下已不正見司天臺所奏十二分半蝕從寅刻可及辰刻者纔及午刻天頗晴雖然圓光甚明定知復末以後天晴歟不正現條人々皆感歎仍有音奏未時許兩殿下令退出御人々或退出云々今日大原野祭并釋奠依可有日蝕皆以延引大僧正良真爲日蝕不正現從兼日於私房七佛藥師法所修也而已天陰雨下不正現其實誠雖末代佛力之靈驗自以顯然者歟

〔殿曆〕康和二年四月一日丁酉依當日蝕不參內云々日蝕間不出行復末後東面開戶雖伴日者不當日者也雖八分二分許蝕也祈尊勝念誦僧六口大品經讀經僧五人

〔永昌記〕嘉承元年七月一日庚寅今日御物忌可有日蝕仍於御殿可有六十口御讀經○中予○藤原仰御願趣○註發願如例未一刻大陽初虧四點漸過復末之間浮雲時々覆非只蝕正見虧分已過天之變異不可不慎主計頭道言朝臣參藏人所執奏此由又賢暹法印申云七月朔水曜蝕本條所指草木傷損百物不登云々加以炎旱日久民庶之憂尤可有祈請者及申刻有御結願十二月一日戊午

今日可有日蝕之由陰陽寮執奏中務省奏史定政一昨日持參虧初未二刻卅二分加時未三刻卅六分復未未四刻廿七分蝕大分十五分之二半弱云々覽大辨付內侍